

中華郵政特准掛號認爲新聞紙類

民國十五年八月初十日出版
(第三十二期)

紹興醫藥月報

總發行所

紹興城內
石門檻

紹興醫藥月報社

100

◀ 第八號

▶ 第三卷 ▶

紹興醫藥月報第三卷第八號(即第三十二期)

本報社職員

【社長】謝杏田

【總編輯】杜同甲

【副編輯】何廉臣

【分編輯】胡瀛嶠 周越銘

楊質安 胡寶書 傅伯揚

王邈達 單遠薌 姚佩畚

汪竹安 楊厚栽 錢少楠

徐仙槎 王鐵如 高芷沅

蔣彬臣 何幼廉 何筱廉

潘文藻 田康濟 汪詠裳

胡思範 李養和

編輯所

浙江紹興城內宣化坊
紹興醫藥月報社

總發行所

浙江紹興城內石門檻
紹興醫藥月報社

分發行所

浙江紹興城內大街
天芝堂藥號

印刷所

浙江紹興城內小教場
紹興印刷局

名譽贊成員

盛賜仲君 張天漢君 俞少村君 胡思疚君 張榮堂君

姜證禪君 陳秉衡君 胡雨湘君 胡隱樵君 陳子英君

薛軼塵君 張琴蓀君 姚曉澄君 謝杏田君 朱翰堂君

徐叔蓀君 鮑菰谷君 姚偉澄君 陶仲安君 朱仲華君

王叔梅君 錢聿聲君 朱閔仙君 陶叔祥君 章天覺君

王子裕君 胡坤圃君 平宜生君 蕭叔明君

名譽編輯員

章太炎君 吳玉純君 張壽頤君 惲鐵樵君 姚佩畚君

史介生君 袁桂生君 胡天宗君 傅頰園君 高思潛君

楊如侯君 周小農君 王肖舫君 時逸人君 張破浪君

張壽甫君 陸晉笙君 楊燧熙君 張汝偉君 華照藜君

楊孕靈君 孫伯康君 裘士東君 徐經才君 沈仲圭君

名譽社員表

震元堂孫炳遜君 天芝堂沈企周君 老三瑞羅懷邦君 至大號葉鴻章君

天寶堂蔣宗濂君 利生堂林子膺君 天益堂潘文濤君 仁德堂陳寶仁君

上壽堂梁國賢君 光裕堂張丙場君 天祿堂沐丙水君 丁浴昌丁君皆君

民國十五年本報第三卷第八期目次

論文 兒科診斷學序言 吳錫璜 霍亂論 劉蔚楚 虎立刺論 江俊孫

論濕溫時病之我見 吳蓮洲 瘧痢之預防法論 一得 清潔街

道關係公衆衛生之我見 冷目 勸節省迷信費以治疫論 一得

迷信豈能逐疫論 實秋

學說 女科學箋疏 蘭溪張壽頤 錢氏小兒藥證直訣義疏 嘉定張山雷

雜錄 啖蠅慘死之駭聞 嚴威夷 輓丁甘仁先生聯並跋語 吳蓮洲 時

疫漸告平靜 霍亂傳染要取締老虎灶 一得 廣貨藥材所受戰事

之打擊

通訊 周禹錫覆鄒趾痕憾

藥物講義

此書即衷中叅西錄第四集。鹽山老名醫張壽甫先生著。於中西藥物。皆備其要。而於中藥。尤能獨闢新義。發千古所未發。於生平得心應手之處。盡情披露無遺。宜山西醫學雜誌。稱爲藥書中第一可法之書也。實價大洋七角五分。郵費在內。

本報特別介紹

新纂兒科診斷學廣告

上海大東書局

醫病之難。難在識症。識症之難。難在診斷。小兒骨氣未成。形聲未正。悲啼喜笑。變態無常。尤爲醫學中之最難者。古越老名醫何廉臣先生。爲治學世家。臨症四十餘年。特將其生平所得。參合中西。著爲本書。凡分八章。三十五節。於兒科診斷之學。闡述至多。可爲後學津梁。

兒科診斷學序言

閻季忠序錢仲陽書。謂六歲以下。黃帝不載其說。蓋難之也。余嘗讀靈樞經脈篇。有診絡脈諸大法。論疾診尺篇。有魚上白肉之說。邪氣臟府病形篇。有魚絡血諸說。素問經絡篇。分別陽絡陰絡常變諸色。皮部篇則以浮絡而分五色。皆爲兒科診虎口諸法之所自祖。謂爲黃帝不載其說。豈正論耶。余嘗謂診法古疏今密。歷代醫學名大家。每有補前人所未備者。如診腹法難經微露其端。今則中東西各醫籍。多以此而審病原。診舌法昔惟吳坤安傷寒指掌最詳。今則感症寶筏。廣溫熱論。尤爲精緻。十年前余讀何廉臣先生編輯各書。千里神交者久矣。先生醫法。本諸葉香巖。而所著各書。體例峻整。則非香巖所及。今春又以所著兒科診斷學見眎。凡八章三十五節。審病辨症。不厭求詳。每一瀏覽。正如游山陰道上。有應接不暇

之勢。又如歷羅浮兩山。步步引人入勝。眞兒科善本也。余家藏兒科書。若師巫顛顛經。錢仲陽小兒藥症直訣。魯伯嗣嬰童百問。王肯堂幼科準繩。萬咸寧萬氏醫貫。鄧樂天指南車等。計不下四十餘種。雖其間見到處儘多。經驗處儘多。而診察病情。仍有略而不詳之弊。蓋見聞所限。非其時其地。縱極神智。無可如何也。今則五洲通市。醫學一端。甚爲注重。東西各國。大有爭相雄長之勢。考兒科學尤以美國豪慈爲最。曩者余覓其書閱之。大率調理在未病之先。夫兒科古名啞科。於未病時而維持調護。以絕受病之原。見地誠高。然不幸而寒暑災祲。爲造化小兒所苦。非辨別至精至密。用藥不中。害即隨之。緣小兒臟腑嬌嫩。疾苦又不能自言。非多方審察。保赤誠求。詎能洞見癥結耶。余紹興老友何廉臣先生。積數十年

之閱歷經驗。嘗見斗室新學一書。其吉詞力廉交廉二君。過庭理討。尤見

家學淵源。其書於四診之餘。更加以按診檢診及辨症綱要。其四言則簡而彌精。其合參則博而扼要。披讀之下。每覺赤子之一頓一笑。悉爲醫學家審病精神之所自出。有先生以啓其端。而又有先生之哲嗣。參互考證以通其變。樹義至精。立言至確。乃覺舊訣之察五色。診三關。尙涉於沈悶之一境。而猶未足以推行盡利也。先生其真有慈幼之婆心哉。考古俞嘉言治症。每日先議病。後用藥。議病於成人尙易。若小兒患病。但憑神機外候以爲診察。揣測不合。天枉立至。故知非讀書多。臨症熟。不足以言診斷。非博通今古。統匯中西。尤不足以言診斷也。吾國醫學墜諸茫茫。而何氏兒科診斷學。乃能於剝復乘除之交。迎機而出。蓋以光炎黃之統系。非徒爲慈幼津梁也。學者得此書讀之。有不眉飛色舞。心應手得者。豈人情耶。抑錫璜更有進焉者。錫璜先祖亦精於幼科。其所傳口訣。有診察耳筋

一法。言以指捋之。耳筋之血易於感覺流動。旋即復原者。血活而病輕。反是則血不活而病重。又有診大肉一法。言病人雖骨瘦如柴。其大指次指後。有肉隆起者。病雖重可治。若他處肉尙豐。而此處無肉。轉見平陷。便不可治。是皆閱歷有得之言。爰特弁諸篇首。以爲土壤細流之一助。歲在修陬旦月廈門回春醫院監院吳錫璜拜序

霍亂論

劉蔚楚

民國十五年丙寅仲秋著

內經曰。清濁相干。亂於腸胃。則爲霍亂。是霍亂爲腸胃病之確證。而命名甚古也。其病原。西醫謂由細菌侵入。壅殖腸胃。中醫謂由感受濕毒暑風。理由均足。何也。細菌西醫得諸解剖實驗。中醫則推原於夏令炎暑。人嗜冰瓜。露臥招涼。風邪易襲。日則有事外出。熱射加臨。濕伏於中。

內伏又兼風也。第因生人之體質各殊。飲食起居之偏過。是以同是暑濕也。而症有實熱者。有虛寒者。有兼寒熱。半虛實者。有始實熱而後致虛寒者。有治之寒去陽回。再出其餘熱者。西醫分眞霍亂。類霍亂。先師楊公來儀教我。則注重察寒熱。辨虛實。分重輕。審前後。兼雜主客諸因。定爲治法。言之一若無甚離奇也者。大抵初病。熱症吐瀉脘痞腹痛。惡風煩渴。或至轉筋目陷脈伏。多取裁於王士雄醫書五種內。霍亂論黃芩定亂。然照各方。濕滯多。感風深者。取裁於藿香正氣散。去桔梗白朮薑棗。暑濕重而少汗者。取裁於香薷飲。扁豆用花。兼七情痰鬱者。取裁於金匱四七湯。俱隨宜加藥。別有脹悶轉筋。腹絞痛欲死之乾霍亂。自有燒鹽燂水探吐諸方。惟虛寒極者。近人重用肉桂末填臍。蓋薑灸艾。換桂薑。灸多炷。總以知覺熱痛爲止。內服重劑四逆湯。繼以附桂理中湯。陽回熱出。

須淡清其熱。而扶中逐穢藥之多要參加。則意在排除其濁滯。大略如此。治法仍在醫者圓參焉。夫輕症易辨。若危至目陷脈微。筋抽聲嘶皮縐諸狀。症似難辨。然能細看其人。舌苔之燥潤。一看舌最有憑據。次看二便與飲水亦要。一聲音之粗細。身體手足之揚擲踈伏。湯水之甘飲與否。二便之清臭疾徐。逐一審詳。未嘗無據。若以注射殺菌。曾見親友。病此危甚。經入西醫院。針藥而痊。足證注射適宜之有效。而祇用注射救急。服中藥治瘥者亦多。全用中法治瘥者仍多。實余所確聞親驗。其謂危候之血液亡失多量水分。即中醫所謂液竭津傷。且歷年每多寒熱症錯雜。惟前廿餘年。有一年。閩粵全是熱症。前十餘年。粵省有一年全是寒症。薑附用至八兩十兩。又加丁香吳萸熟品。都無效。後一老中醫。發起先向背脊。貼

意。法載余證治叢錄再版。當時粵省。中西醫林立。初何以不效。後則老中醫救生無量數之人耶。疫症如此其偏酷。必謂與天時地氣無關。余暫未敢附和也。請問行旅在途。不幸罹此。既無西醫可請。又要棄盡中醫治熱之甘露消毒丹。治寒之附桂理中丸。霹靂散。貼臍之回陽膏一切。令其束手路斃。環球甯有此人道耶。據新學家謂。人果心氣和平。則血液自清。精神充足。微生物雖偶然侵入。自被血球吞噬盡絕。是則中國藥清血液充精神之特效。發明已達五千年。民族之繁昌。甲於五洲。當由於此。微生物既可由血球吞噬。彼細菌亦可以正氣排洩之。更有何疑義耶。神農本草經。具載某種藥殺某種虫。其他尙未細說。殆古文高簡。學術初開。後賢又注重氣化。尙未肯單獨向物質鑽研耳。如謂中醫可廢。請觀余少病虛勞。先疊求外洋大醫。後遇楊公。始得救於垂危。設使楊公亦無法。余從何

系與醫學月刊
得有受學中醫之導線耶。前約二十年。香港大疫。英醫謂中醫不識剖驗治療。呈請英政府禁絕。其後中英醫考試三次。設使中醫無優勝成績。則今日決不能保存在港矣。事俱載余證治叢錄初版。故謂中醫非參究西法不可。余敢斷言。如謂中醫萬無一能。苟爲仁道愛世之良醫。立言似尙應慎重也。醫乃仁術。危急總期救命。高世難定一尊。惟在平心氣。擴觀聽。求效驗。善滙參而已。擇善而從。豈止霍亂一病爲然也哉。

夏歷七月二十二日寄

虎列拉論

江俊孫

鄙人新近由歐返國。即聞各地時疫流行。今所謂時疫者。乃一種由微菌傳染而起之劇烈腸病。歐名 Cholera Asiatica。譯名虎列拉。按此病在中國之歷史。遠不可考。大概來自熱帶之印度。鄙人爲研究微菌熱帶病學之一人

。茲將此病在微菌學上之地位。略述如左。

本病之定義 本病既爲傳染性之胃腸病。故其發生。多以吐瀉開始。瀉下之物。奇臭而稀似米汁。腹痛。(俗名絞腸痧)脈細體冷。(俗名冷麻痧)腿痛。(俗名吊脚痧)氣喘口渴。因吐瀉體內缺乏水分。而四肢皮膚乾癢(俗名癩癩痧)精神始尙清了。繼則昏眩。終則脫力而死。此種症候。大半由微菌發生之毒質。侵入血內所致。甚爲可怕。故本病之死亡率甚高。爲百分之五六十。

本病之病原 一千八百八十三年。埃及國流行此病。依德國微菌學鼻祖 ROSE 氏研究之結果。知本病由虎列拉微菌傳染而起。病菌由口入胃腸。在腸內發生毒質。入於體內。而發病狀。其傳染之媒介。大半爲水。尤以河水爲甚。故用河水爲飲料者。此病不時發生。例如上海今年之疫是。其外

爲蒼蠅。蓋蠅喜逐臭。若與吐瀉物接觸後。其毛足上即帶有無數微菌。扒過食物。滿布微菌矣。病人之衣服用器。亦可媒介病原。Koch氏發明此菌後。有德衛生大家反對其說。親自吃菌。數日後。發病幾死。自後此菌遂聞名於世。此菌狀似西字中之符號。故名 *Commabacillus*。能自由行動於宇宙間。生長極易。若溫度適宜。且有相當養料時。在水中可活一年。在吐瀉物中可活一星期。

虎列刺之危險及其預防 虎列刺之原因。既在飲用有微菌之水。而夏季飲用生水者。又不乏人。故虎列刺之發生。大多忽然而來。一來則死亡枕藉。預防之法。最好勿飲生水。勿用河水。蒼蠅最易布種病菌。故蒼蠅扒過之物。萬勿再食。近世細菌學中。有預防本病之 *Vaccin* 者。(俗名預防針)

可以增高身體防制本病之力。故遇本病流行時。至少須打一針。以防不則

。對於病人用過之物。因其易於傳染。故須用藥水或滾水消毒後。方可用之。本病危險雖多。然醫治得時。不難挽救。故有病時早送醫院。病人失水過多。最易脫力。故須及早打一鹽水針。

國人當注意之點 虎列刺之發生。依一八九三年漢堡。一八八八年埃及。以及今年上海閘北(工部局檢查)等河水之檢查。無不於水之不潔有關。故將來飲用之水。須改河水爲井水。國家須定明法以督之。須設一專門機關。隨時以新法檢查有無微菌。此當注意者一。國人最壞之習慣。爲理想空談。妄信五行之說。以生命爲兒戲。例如一遇此病。挑痧灸針以致延誤不治。又以此病原於陰寒痰厥。方藥雜投。至死不悟。此當注意者二。遇病當醫。無病當防。萬勿墨守舊法。勿飲生水。勿食冷物。吐瀉之物。當盡力消毒。以免傳染。庶幾本病可以消滅。此當注意者三。

廉按此論。中醫研究新醫學者早已知之。即打強心針及鹽水針。中醫亦多習而能之。但其間有效有無效。且初雖有效。而終則變生別症而亡者。亦不少。總在查推原因。辨明症候。的對因症施治耳。

論溼溫時病之我見

吳蓮洲

內經云。今夫熱病者皆傷寒之類也。又曰。凡病傷寒者。先夏至日者爲病溫。後夏至日者爲病暑。暑鬱生濕。濕即暑之本也。難經言傷寒有五。有中風。有傷寒。有濕溫。有溫病。有熱病。病源不同。病狀各異。大抵濕溫一症。多發於春末秋初之時。暑濕鬱蒸之候。其人或外感風邪。或內停飲滯。不即爲患。由口鼻吸入之後。擾及肺部。隨即化溫。旋歸胃腸。隨即化濕。溫濕交蘊。漸次稽留於三焦。一旦觸發。病情混雜。如面色淡黃